

白
華
詩
鈔

白華入蜀詩鈔目錄

南滙
吳省欽
沖

西笑集

癸巳正月

古近體詩六十一首

雲棧集

癸巳二月

古近體詩六十三首

劍外集

起癸巳三月止五月

古近體詩五十四首

附一首

劍外集

起癸巳六月止八月

古近體詩七十六首

劍外集三

起癸巳九月止十二月

古近體詩六十一首

附一首

劍外集四

起甲午正月止二月

古近體詩八十六首

學舍集一

起甲午三月止十二月

古近體詩五十九首

附一首

學舍集二

起乙未正月止六月中

古近體詩五十五首

附一首

願門集

乙未六月下

古近體詩四十七首

里區集一

起乙未七月止十月

古近體詩六十一首

里區集二

起乙未閏十月止十一月

古近體詩七十三首

里區集三

起乙未十二月止丙申七月

古近體詩七十一首

里區集四

起丙申八月止丁酉五月

古近體詩七十首

白華詩鈔

南涯

白華詩鈔

卷一

西笑集

癸巳正月

珥筆十年雅深倦戀加以祖母喪未踰月俶裝
西行可無敝罔長安曩爲京師故向西則笑於
今蓋異矣自良鄉至正定五年以來三往返其
地若獲鹿迹已未經卽次所作義在斷取其詩
亦以長安爲斷

出都留別知好末章端示舍弟泉之

蛾眉班上珮聲多西笑匆匆意若何河嶽眞靈歸結攬

淵雲妙墨分消磨 恩深豈止三持節醜小無難載戢
戈珥筆史臣先快睹王師雪外奪蓬婆

春明門外短長亭石棧鉤連一髮青路到邛峽人叱馭
天垂益部使占星衰慵漸信燒鉛訣悔客閑繙相笏經
纔過朝正勞出餞驪歌歌散不堪聽

冰簟清寒楫櫓紅慣聞倦僕觸屏風及瓜雖幸來秋邇
折柳猶煩此地同破驛重投遊未倦修門一別信難通
倚樓舊侶行軍久小伴招扶氣似虹

時少鈍偕往省尊甫璞函軍營

天涯石叟替含愁四海何人及子由盡室往還家計左
中年哀樂宦情浮潁川名德歌慚長令伯私情啗報劉

準擬吳船歸萬里青鞵無恙訊林邨

古意贈滿城喬大尹鷗邨同年

疲農秉耒耜反邈探丸郎貧女理機杼見笑彈箏倡淘
米汲深井井冽渾如漿採果伐嘉樹樹死果亦亡鶯禽
善擊斷不如鸞鳳祥瓊葩鬪韶冶不如松柏長廉吏不
可爲墨吏安所望載我薄薄地覆我天蒼浪古琴倦庸
耳聽者終激昂悠悠去驅馬百里皆春陽

定州道中雪

旅主興丁識面多六年七度曲陽過但飛薄雪寒先峭
畧轉新春氣自和青影微濛回稜麥紅香菴冉勒庭柯

清風明月終難買且買松醪醉若何

長平坑歌

銳頭小兒銳無匹盡敵不煩刀出鞘四十萬人填一坑
漸割連雞六王畢當時趙壁森廉頗受間不奈黃金多
虎狼蹴蹋犬羊沸血漂肉委爲山河首功論賞本秦法
如此焚巢卵全壓將軍坑卒帝坑儒誰向新安蹙降甲
長平城隔太行山見說戈頭銅暈斑想象杜郵看劍夜
恢恢天道苦酬還燐火成團故鬼哭膠柱調絃書誤讀
髑髏長戴土花紅慘月荒祠拜馬服

晚次獲鹿

一峯屯薄雪返射一峯晴樹靄低村岸笳聲上縣城過
山車路盡賀歲酒徒輕風義超三古何人抱犢行

獲鹿見橐駝負裝

三三五五擁屏顏緩步郎當費往還
脰背儘容南客詫亂行如點北宸班
味通井脈丹崖外命盡膏唇翠釜間
曾載戎裝歷西極使裝分載祇投閒

自赤壁仙洞次龍窩寺

箕風吹倒人山靄細深墨傾身灰窖中
騰笑倚赤壁老仙無定踪終古斷
嶺笛爐薰惡氛陰寒懍征魄劃然
投餓鷹風毛尚狼籍出洞坤軸高原野曠同色肉馳行

未休打鐘股相逼回峯如一環意外露鑱刻崙砭兩厓
寬鉸鐫百丈直死樹春不回偃蹇鬪龍脊龍身潛九淵
何乃山是宅遙遙皇祐年僧火劫千百濃罪墮客衣蹋
石畏崩圻差勝夜程嚴雨昏寺門黑

井陘關

常山送我三日行太行掉尾聯翩迎馬蹄誤蹴落深井
峭拔萬丈懸孤城城頭青天城下壁錯磨陰陽鐵森積
凍木排岡鷹鵠休哀笳殷地狐狸匿壑走厓奔星影搖
山鬼白晝驅獐麕健兒捉戍色如土仰歎坐見黃雲高
孟門黨代亘重阻幾代叢臺賸歌舞趙幟已空漢幟翻

背水軍前動旗鼓
歇斬餘會食初到頭鐘室恨何如
因人終笑外黃壻
報主徒憐李左車

土室

驅車土門口土山連西南山居故寥落土處翻延覃
鑿坏白炯炯穿豕青潭潭團樂蛾脫蛹逼仄龜支弇海羸
殼獷悍林殼胎渾涵懸爲仙客困坐卽彌勒龕搥壁嘆
索莫推逢肖衍谿上謝瓴甌覆旁絕櫨樽參複壁隱未
可前戶由還堪窻以櫺示疏席以丈計函晦明施兩檠
飢渴謀一甌旣脫烈炬燒亦免狂霖淠編茅抑何陋牽
蘿母乃慙其狡大類兔惟暖差宜蠶想當練戍日紛與

携丁男因高地不愛負固天斯貪峙畚擇斷壟埽堊儲
淘泔勢作象耕熟法如狐搢諳九軻界幽隧一團環虛
菴聚族斯歌哭旅處時言談中央令先稟上古卦且探
伏葬走四埜結巢依重巖營窟堯年憂陶復幽俗甘自
忘峻宇戒更遣機心含郤至驚鼓鐘吳光匿鉞鏃此象
最渾噩有家頗樂湛茂士遜千萬受人能兩三酒帘望
搖颺釘座聊停驂

妒女祠

神相傳爲之推妹狄梁公爭高宗御路
卽此王西樵以爲武后過妒婦津事誤

娘子關前炫服稀幾村村女趁岩扉雙旗盡日靈風滿
學畫修蛾是翠微

汾陽遊幸說唐宗祠樹依然輦路逢若使金輪從一轉
埽他狐媚已無踪

凶德寧煩作頌新禁煙遺事劇酸辛祇應留配靈均姊
莫比劉家記洛津

祠有唐李譔頌姊婦津在洛水其神劉伯玉妻

南天門

土門遠上路盤鷹一扇豁然瞰萬會直北關山浮魏闕
自西風雨蔽崤陵沙迷複磴全埋石雪積迴谿半化冰
上黨飛狐天下脊到今臨眺險難憑

壽陽感昌黎

荒磧連九堠厚坤厲芒角如丸亦如卵軋蹄勢如擲稍

往就芹泉涓瀝潤磽塿邊城春候寒花柳總蕭蕭有懷
宣諭才意氣動河朔數言折逆謀燎原火先撲朝臣惜
韓愈此語太齷齪君看駕部郎吳丹郵次共行幄唱酬感
月華侵曉雞喔喔使臣走驛馬絕勝萬矛稍方山峙龍
從壽水逝瀨潯插翼過軍書銘功筆能捉

太安驛

天半飛層構居人只傍山人隨高鳥下山帶亂雲還問
歲嘉禾後觀風蟋蟀間吾徐封邑古行眺一開顏

大風輿次作

纔坐籃輿遇石郵土囊決裂浩難收排雲詆蕩稀鴻雁

得路艱虞信馬牛，斂手詫乘潮。上下壓肩疑颺浪，沈浮阻風中酒。江湖夢今日，關山也白頭。

上元次張蘭和姚秋塘趙少鈍

黃沙眯眼勸憑鞍，笑語喧扶酒半闌。一種豚羔祠月主，試燈風裏住張蘭。

郭有道墓

距介休五里

一歎論朝局，高鴻逝渺然。清流非俊及，遺象亦神仙。碑蘚荒途雨，門槐古市煙。我來勤汎埽，不羨介推賢。

郭有道祠漢槐

積陽瀰漫離聲死，菰獵陰飈射檐底。老蛟脊瘦身百圍，

倒卷濃氛蔽山鬼此樹婆娑是誰植日對林宗無媿色
蒼棧近拂界休城金蕤紛飄洛陽陌雖同屋社覆枌榆
稍異宮門委荆棘三公當日位朝右水火元黃拉枯朽
本撥枝傷國步移宵炕晝聶終難守墊巾徵士翩若仙
高蹈要拍洪崖肩識郎一碑翳深莽怪爾突兀撐邱阡
腹空屢被電雹破幹古肯受藤蘿纏鼠耳菁蔥亦凡木
有人繫紡有人觸樹響由來重漢京物宜毋乃因唐俗
君不見槐里令長馳直聲此樹不同殿檻旌又不見槐
市生徒買禮器此樹不將區宅庀欺霜壓雪善因天集
鳳栖鸞矜得地久聞過墓禁樵蘇豈數叢祠長條肄石

聞駿犂騶色拖行埽落葉歌長歌甘泉玉樹問安在槐
乎槐乎千秋萬歲惟爾多嗚呼千秋萬歲卽不惟爾多
懷人曰槐懷則那

周禮注槐之言懷也槐有懷人之義

曉望綿上山

重墟蒙宿霏馬首耿微白曉霜在枯林十里少行迹徐
聞人語來雲岫卷空碧孤悰與幽鳥一往眷閒寂封田
何處尋要眇付樵客世事歌龍蛇隱心蔭松柏目斷杏
苑時江南訊寒食

韓侯祠

祠後有墓

韓侯虜豹河東定此地曾過擊趙兵掌上安危傾楚漢

面前真假間良平將壇日落靈旗闕母冢風號宰樹成
高鳥連空頻極目赤眉塵惹野雞驚

宋老生墓

舊唐書老生棄馬投壑被斬創業起居
注老生攀繩上城盧君諤部人斬之

郎將嬰城日真人問鼎初坐愁輜載重行看壑投虛授
命傳聞異臨戎決策疎楊花飛不起終古遶荒墟

趙城

斜照疎煙岳色微願酬造父作封圻君王八駿行千里
却御鑾輿緩緩歸

國士橋

長兒魯事知伯伯絕之三年其
後死知伯之難事見廣韻注

橋下劍光橫橋頭竝馬驚迴風酸刺影逝水苦吞聲俗

薄論施報天高信死生殉身還有客不爲主恩明

晚過師曠故里

工瞽司吟誦誰如曠也賢傾心來叔譽苦口爲師涓蕭
寺調鐘台蓬門炳燭偏年年汾水上一徑枕蒼煙

臯陶墓

在洪洞西南十二里有元統二年余亭碑墓西北二里有廟

墓域楊侯訊宗祧項帝歆封臯章繡黼釣澤和薰琴審
象顏矜削平情口類瘖見聞才子德舉錯聖人心本異
申韓涼惟同稷卨欽澤留羸及裔法執睟成擒已奏無
刑績嘗沾不祀襟理官徒偶旅祭獄太蕭森塹廟瞻猶
近穹碑拓未任停驂效稽拜謨訓儼垂音

史記陶封于臯馮衍賦臯

陶釣于雷澤兮賴虞舜而後親荀子臯陶色如削瓜淮
南子臯陶瘠而爲大理涼廣韻力讓切漢書注士亦理
官

平陽

金墉屹屹帶橫汾簫鼓中流宴未聞淖約神人觀揖讓
優游父老話耕耘誰邀青蓋迷風雨曾駐彤車捧日雲
三晉河山雄表裏從容懷眺極斜曛

文中子故里

始息滅聖文開皇黜月露卓哉李治書軌模不儒素西
河詩禮邦石室振高步教澤流未涇龍門得依據上策
陳太平十二協天數鳳凰千仞鵠虎豹九關踞春風歸

絳帷餐粥樂含哺姚杜堂旣升房魏車或御狗曲謝江
翁瓊圈鄙轅固紛綸書滿家語僭道非汗是時薛司隸
北學盛才譽魚藻刺幽王作頌適櫻怒世亂命苟全世
治政可布如何修史才星宿失探沂不逢涑水翁直恐
缺掌故寒鼃事遠征喬木入蒼霧敝廬自先人考槃眷
獨寤斷斷六藝徒秩秩百王具孫枝尙輕華此實係門
祚一勺飲河汾淵源起遐慕

裴晉公故里

聖相材文武靈河衍粹長四夷詢拜罷羣小伺行藏遺
表前星現豐碑巨刃揚東西聯舊眷可是午橋莊

次聞喜示許大尹端木

汾澮瞻流惡，邨煙入縣衙。
桐宮高隱樹，董澤淺通車。
往代曾聞喜，茲邦似獲嘉。
神明河上宰，要聽捷書譚。

宿牛犢村李坊園自解州來晤

我書初就道，君馬遠嘶門。
豈辨風霜苦，相啣慰藉恩。
別深家事瑣，宦薄世緣昏。
在客交留客，迢迢河岸村。

司空表聖故里

陶公晉徵士，嘗薄五斗粟。
一酌調一絃，其詩淡如菊。
人亡詩未亡，詩品更誰錄。
至味外酸醎，冷然吸空淥。
拂衣中條山，杖策王官谷。
經營逮生壙，車鞅斷塵躅。
豈惟歸

去辭自輓肖歌哭煌煌麟鳳姿無道跡斯伏龔生天天
年周黨返邦族陽狂箕子行祈死叔孫祝閉門長絕餐
肯使墨胎獨到今千百年里名冠河涑墮笏話常叅結
亭緬小築攬襟無與言煙霄逝黃鵠

望中條山

官路送微翠一層濃一層陽暉映金紫反見白雲升遶
麓幾州治栖巖何代僧三休亭上影想象峭寒增

普救寺

煙槐絮柳馬蹄遙遍數昏鐘落絳霄怪底春裘添峭冷
數梭殘雪映中條

孤城鬱律走河聲軍令聞傳折箭盟七寶莊嚴修到否
碑痕如繡亂苔平

綵筆聯翩記會真連廂檀板點歌唇蛾眉只有青山影

始信文人易誤人

金石文字記鄭恒夫人卽世所傳崔鶯鶯年七十六與鄭合葬曠園雜志

鶯鶯附鄭墓在淇水西北五十里秦賁銘其四德咸備而一再辱於元微之王實甫關漢卿歷久而志銘顯出洗冰玉之恥寺枕我媚坡亦作蛾眉

率堵瓏璽挂夕陽盡闌低瞰築毬塲明朝古渡風陵口
回首雲林隔幾塘

蒲州

蒲州舊錫中都號城冠高寒鵲樓到海長河尊一柱

度關太華俛雙旒帝鄉耕稼居猶近
霸國兵戎死不休
見說迎朝風溜緊索郎無恙對銷愁

潼關

孤城百丈枕重山山下河流買渡扳動地
鼓笳騰四扇
當天麾幟冠三關生降豈信胡來易
死戰終緣主命慳
數點馬頭青峭影果然太華落人間

楊太尉墓

大鳥暗風林螭碑歲月沈印懸常侍口
金對故人心配
孔名雖僭稱隋澤竟深夕陽亭上語
千古一沾襟

登西嶽廟佛閣望嶽

華陰道士瘦於鶴要逐鶴聲窮碧落鶴少人多飛却回
蹋壁長吁悄攀閣閣前青牛笑開口壺嶠樊桐世安有
知君歎唾罪九天玉女闌扉候君久君去幾時還君行
見夢否下有萬古不壞摸索之丹梯上有五更不落翻
聯之珠斗冰夷蹙浪來紫庭手擲金船化雪滿滿根盤
魄蓮花擎白虎鼓瑟鸞吹笙顓靈儼座鵷首驚縱旂十
二相去端正但覺百神觴禮二十八潭漿酒潭潭盈雲
臺西東仗雙倚一朵綠雲裏誰子卷衣照鏡是秦娥仙
掌高高舞未已玉光絳氣巖洞間大藥靈根霄漢裏慎
勿學陳希夷逡巡鼻息天帝知亦勿學韓退之殯唐脚

力仙令嗤去天一尺學太白牋天更乞謝朓驚人詩黃
河落天走東海倒入洗頭盆底洗出我舉刃斷水拔劍
斫地骭髀沸鬱之襟期俛蹴百二疆仰削五千仞載錫
中嶽封未分少華鎮煙鬟霧鬢看在無好挂圓暉掃蒼
暈祠宇幽幽巖磴深塵纓促數負登臨好風到夜月華
墮吹送微鐘何限心

郭汾陽祠

貴主仙莊廢先公家廟傾一嘯當少華九鼎在長庚福
備思明德功高見篤貞故鄉存俎豆應戀錦衣榮

華州

百里咸林道塵勞思憺然春風微灑店清唌早疏泉祠
廟籠秦樹人家抱嶽蓮司功遊賞地誰構小亭傳

渭南縣

小華曉相送幾行山鳥飛孤村圍嶽市晴翠溼征衣蓮
勺縣樓直莎羅坪樹微新豐今有酒莫遣素心違

商相如墓

尺壁荒唐十五城商於六里計先傾誰知睥睨秦庭後
能使將軍媿請荆

慨慕紛紛犬子多盟臺何處鬱嗟哉一抔却勝灑池土
長聽烏烏擊缶歌

鴻門

劍舞如龍晝宴開到門俎肉不勝楮居巢有劍非無用
曾破當場玉斗來

臨潼縣

西征賦懃黃巷以濟潼
巷多譌卷見匡謬正俗

朝嶺東橫夕嶺西玉山朗朗映高低驪戎建國忘遺患
黃巷連津識誤題五隊花明仙駕出三泉松冷祖龍栖
春農喜少傳烽警一綫潼流滿稻畦

驪山溫泉

百草甦凍風出郭卽原野林亭非世情豈必絕車馬山
家籬落疎中有故宮瓦繡嶺蟠鬱葱羅城仡𪔐間扶桑

浴日地靈沼亦歌雅咄哉錦鳬雁刻畫媚姚冶樓影羯
鼓橫舟身釵鏤寫溫磨第二湯禍水結癥瘕兆應金蟆
翻迹慙石鯨稽湯池失大河蛾眉亟姑捨蒙塵無處湔
遺臭到今惹五行各司職地力倍鎔冶水深變火熱探
源得所假陽水凝不漸炎井熾難施脂膏在丹穴利導
看平瀉卽以蠲被論詎出醴泉下文發開曲塘斷碑覆
廣廈暢焉告滌除振衣涼灑灑古池一十六改置孰存
者零落玉蓮花行人口紛哆

灞橋

鳳凰原上雨不及柳絲多欲拘春風影長闕灞水波馬

頭雙迸淚驢背一停哦却問銷魂者無梁比若何

長安懷古四首兼酬藩使畢秋帆前輩

巨靈雙掌怒排空百二山河俛瞰東離黍連雲王迹遠
鳴雞到曉霸圖雄賈人有貨移嬴氏帝子無歸屬沛公
秦自醉天天自醒熒熒明月照今同

東井如珠告入關奉春數語阻東還紫微宮闕高凌漢
白露園陵近帶山方士仙踪迷海上昭儀秘事豔人間
莫言蜀漢非王統九廟猶看世德扳

歷亂楊花化李花蕪城一去本無家人天真氣羣雄盡
將相凌煙世澤加過廟似聞嘶石馬收京且喜斫金蟆

古來覆敗從遙侈早有椒房諫玉華

蛙紫紛紛割據名秦川長對酒杯平牛車歷碌三橋徙
虎節飛騰四塞并皮幣向從清渭納桑麻祇賴白渠成
東郊舊績書釐保分陝年多想繼聲

時有滌渠之議

薦福寺

騎出覆盎門將訪薦福寺松杉羅後園亂裏萬重翠浮
圖招我前縹緲象束髻當中駭疆裂自頂下到地本非
雷斧燒而作合離勢一劈不再黏尺寸耐瑣記木飢必
大開金穰卽稍閉有如射的湖元白競占歲茲寺來何
從經營昉隋世鬱葱阿廢卽歛施尙主第僧徒數千指

改造復何爲黠淡金碧容參錯闌楯次巋然十五層或
受祇林庀未央及建章在昔輒殫廢庶幾效洒掃曷敢
褻唾涕直上自初梳眼窮八川細

興善寺

有隋時銅佛及繡經學士費長房碑

牛谿一高隱著書最閎實亡隋擯不收遂昧太平術職
官志學士本以贊淵沕碑文出諸費雲霞粲蒸蔚繙經
署頭銜有都苦無拂是時鑄五銖致用利民物良銅采
莊山盛滿兆傾溢卽今尺五天尙見丈六佛脣朱澀更
塗胸珞腥未被以此祈治安北轅向揚粵此址亦阿房
金狄愴蕭瑟仁暴迹稍殊存毀數難必三門枕高原依

約面太乙蔬畦乾欲圻塌井斷繩繙病僧三數輩辛苦
話戒律願鑄石墨華用補史臣佚

雁塔

塔燬於熙寧中至明萬歷甲辰始修其
級下有二龕置褚書聖教序記二碑

塔前第五原塔下幾曲水塔上千佛名肯與諸科齒高
標帶華薄萬象挂簷底策蹇投寺扃黯默睥神鬼溫卷
過半生掀眉一聞喜往來騰赤標奄歛就殘燬獸脊纏
簇藜虹梁飽蟲蟻石梯碎於粉欲躡口空哆何年告修
復招呼振衣履塔門闢四維象教入摹擬頂禮賓迦來
參拜藥叉起大千豁端倪磊落抗堂紀蒼然掃斗城河
渭颯纚纚寒飈不敢向白日一萬里浮生本有涯得第

直糠秕却撫褚公書肅將平崑崙

曲江亭

沙壅橋平小繫驂好花無復杏園探新蒲
啖紫鳬停渚細柳牽蹄轡過潭望姓簪裾
天尺五麗人珠翠日重三閒亭俯仰成今
古愁聽昏鐘起隔菴

定官石

有序

陝西藩署有石厚可咫從倍之衡倍又三釘
頭錯繡傳是隋唐時物官此者以釘入石與
否決休咎旁碣有明人頌頗雅馴可誦

石公夢與丁公搏醉袒完膚受鍼烙一鍼奮迸一鍼著

官來何所去何之
點點鱗鱗釘自知
利鈍却勝鑽靈龜
石不能言詫神異
鈞衡信手等遊戲
莫忘貪廉論榮悴
南錐北椎失狂簡
我心介然匪石轉
相笏相印見斯淺
我欲抉石兼拔釘
祇恐石去爲列星
一笑且剔重苔銘

白華詩鈔

南漚 吳省欽 沖之

雲棧集

癸巳二月

棧道始於齊田單卽秦隴蜀棧亦有四今自褒
城至梓潼者連雲棧也抑秦棧自寶雞始一別
長安險迎險送睹聞侂譎黔程粵程所未逮筆
亦無以副之喧沓輪蹄鮮暇覆檢我征邁返將
以是記里云爾

咸陽

春樹夾春堤春風馬亂嘶天遙斗城北人上渭橋西塵

細如濛霧沙灣不溜斯古來宮殿瓦無處訪耕犁

茂陵

郢原西去茂陵雄青鳥飛迴玉盤空贏得通天臺畔表
不教李賀笑秋風

鼎湖龍馭豕衣冠一詔輪臺肉竟寒悽望荊陵風雨夜
魚燈深影照嫋嫋

裝羸抵興平疲蹶不前姜大尹興周餽酒

羸綱馱我入西秦嘶遍咸原草色春豈爲飢腸缺芻秣
轉憐健脚困風塵跨驢雅媿尋詩客走馬先逢送酒人
吟付小紅歌一曲一杯忘却滯留身

馬嵬

龍虎千軍一佛堂，青天碧海恨茫茫。
人搜錦鞵虛同穴，客信金鈿返尙方。
豈有牽牛聽夜語，竟無飛燕鬪春妝。
宦官崛起眞妃死，此地驚心爲武皇。

蜀道郵程記劉瑾馬嵬王邨人

晚次武功

終南大佳處，人在武功天。
拂樹雲崩屋，分谿雪灌田。
永懷少游語，空復子卿賢。
看煞康王里，新聲少夜絃。

武功題蘇武牧羝圖

海雲壓天墮鵝鵠，冰窖蕭條赭流沫。
誤落羊羣十九年，崢嶸偏向草間活。
中朝虎節脫牛旄，拜命無忘卧起操。

肯爲窮荒生馬角怕教性命付鴻毛牧羝令下轉淒緊
比似關門禁游牝單于解愛漢孤臣縱使乳成歸未準
或齧或寢或施鞭不學降人袒左牽五口無聊長飲酪
三生有數免吞羶終堂老母遲羔跪沙幕茫茫信遷徙
折筮難令異種馴傳書忽詰穹廬先刀鑲熟視更何人
相對沾衣雙髻循祇道觸藩作胡鬼誰知取輶送王臣
甲帳樓臺路非昨特牢告廟空漠漠屬國長縻篋窳鄉
眞形高上麒麟閣忠信由來蠻貊爭况從州里訂頑愚
丹青要表貞魂苦恥作河梁泣別圖

姜嫄廟

在武功稷山又城南臘祭坡有墓

元氣涵濊國靈居剋稷州先祿天合饗巨武帝凝休繫
姓多從讐生民特造周朝堂三十世原廟幾千秋漆水
簷前滙岐山仗外浮上陵王迹夔封邑母家留論德關
雎啓爲祥降貺侔平疇空菽麥隘巷下牟牛簫鼓譌秦
臘荆欒背蜀郵尙聞邠地古唐代耐公劉金薤琳琅唐
劉新廟碑張
誼書在邠州

班孟堅墓

班家邨去路南頭苦爲蘭臺說首邱九歲風華中葉炳
一朝雅故大家留護軍豈謂丁文網作賦還看甲選樓
較勝季長絳紗帳後堂磨滅管絃愁

伏波廟

血食諸蠻遍扶風是舊鄉練才兼穀土肖象外椒房前
令冤偏切興王德易涼山川紛似米辛苦說開疆

岐山縣

秦地皆周地岐陽復美陽叢祠連好時壤道間陳倉偃
棧山初大泮沙樹只荒千秋論瑞應颺颺下歸昌

渡泮水入渭處

泮水練痕空悠悠渭水同小侯纔牧馬大老必占熊人
影懸檣外蹄聲敗葉中更愁邨霧起前路白濛濛

自底店至寶雞作

岍山山翠玉玲瓏清渭分明落鏡中
几谷茲泉人不省
釣魚臺畔說非熊

野石如肝獵騎攜雄王雌霸本無稽
岐山靈鳳魂長餒
却看陳倉祀碧雞

穴阨高穴白雲層邁邁仙踪到未曾
笑向蟠龍山名驅瘦
馬一川如畫是金陵

益門鎮

朝發寶雞城耳食棧形劣涉渭孤影清
冷翠照明滅浩
然登首塗蕭林語騷屑稍稍山市開
木杪挂巖穴前峯
盤後峯峯上太古雪百蟲不到處石
骨釀枯蘖奇勢抗

蹇嶢眞氣秘苑結澤垂人涕長血灑馬蹄熱重門倚益
州幾日吾弭節迴首瞰秦川庚庚路如截

度觀音嶺至和尚原

先蟄驚凍雷旬旬打枯澗澗絕峯故連坤軸互冥眩山
農恹尺利滑石半山半火耕錮慙氣窖雪白片片其餘
不受雪簷影密無間蚬繆萬藤蘿千仞駭仰見行行到
脚底欲斫那可斷輿夫苦雪後一步一顛攬神州勢如
蛇昂首尾斯貫魏公圖中原慷慨具深算命將資二吳
列柵兼守戰遂殲常勝兵薙鬚悄亡竄新險吾乍投遺
壘客難辨擇肉來虎狼山泥跡交徧

煎茶坪

沿山偪古樹蟹爪攫寒色神工綴繁花密凌浩虛白羈
人來往煩八蹄奪寸石險滑介萬難蹉跌下無極前峯
塞馬頭欲南路反北隨轉隨上扳空湧立四壁燭龍儵
吐空炯碎蕩心魄孤青界積素乘氣混闔闢下坪魂稍
甦捽髮受一擲大蘭名河赴階文撇捩箭鋒直越竟朝大
江不屑就河伯爨煙出茆葦相顧生太息吾家老宣撫
神臂坐却敵倚勝恢數州河陝庶全克班師奉朝命三
駟失籌策廟堂和已成戰守議何益誰爲劉韜兒踞地
枉投幘

曉度長橋抵草涼驛飯

機程戒貪曉及曉色反掩天獄排百重歎飲氣昏慘蕭
蕭響連騎長板孃荏苒成梁利川涉而以駕崖广喙息
叅跂行如豆點數點黑風吹散關半罅裂門居尙聞壞
鐘敲不見大旗閃襲雍暨伐魏漢業集遙感君看故道
水直逝勢難檢驚驚是何峯今宵夢成覓

鳳縣戲和少鈍

爪指懸槌酒潑灰行人孤負鳳州來如何踈地金絲影
不入宜春苑裏栽

鳳嶺

我辭豆積山言指廢邱驛徘徊三五里夷衍散人迹破
荒入雄嶂石齒奮銜屐十步峯九迴籊籊面峯脊及脊
峯更危意外豎絕壁朱藤萬年欹黃壤一撮瘠抵死撐
九天欲下嘆安得縱無鳴鳥儀或有怪鴟翻東頭佛髻
青西頭海潮白高標納萬象神鬼出奇力蟻豕顧來程
濃氛黯將夕

心紅峽

高嶺俯峽形曛黑太陰閉窗井綠斷厓艮坎怒爭位迴
飈驅病葉積尺覆危地扶攜出纖路折礧滾澎瀉蕩搖
虛無根石梁怨迢遞堂隍鎮上頭陡作削成勢一面沿

一灣丹屏負巖肩煙霞亘鴻濛隔水見放悲孤清挺草木餘藻掠巾袂羈心憚荒棧塊獨獻幽媚俗駕且淹留爲園笑金翠

宿南星題壁上果邱畫松

踟躕地安行李南星響夕風雲雷三峽倒日月四山空貞樹生堂上眞王道漢中龍鱗看出手籌筆古人同

柴關

榆林無一榆松林無一松峇峇度柴關夾磴搜蒙茸凍葉槁不脫僵立檐苔濃層氛變巖雪挂樹皆玉龍時門拗餘怒平攫行人胸山妖更亡賴斂喙呼酸風石棱舞

輕驚萬木將奔從青藤插根抵百一爲彌縫漆林軼太
半春賽雞豚供安得斬槎蘄浩浩消孽踪樹盡石無盡
當關蹲黑熊跼促下寒阜魂悸心煩冲

紫柏山留侯廟示八十六道人青渠

留以竟訪赤松子秦棧爲祠紫柏山山帶南星分洞府
祠傳西漢抗商顏六韜玉帳書終棄九轉丹爐藥未還
蒼鬢道人開九十前生可在穀城間

馬鞍嶺

輿轎

平

告諭嶺累顛迭起伏馬鞍二十四礮礪側愁目

甫登盡眉關虬徑類蝸縮磨牙伺奇鬼猿猱伴宵哭百

上始絕陁一下卽墮谷力持軒輊交伎倆見差熟誰邊
搯大鼓萬丈陷地軸鯨鼉弄狡獪河底挂飛瀑緣河升
降慳賈勇奮投足黃石爛不僵青桐死未禿居人斷樵
徑走險習麋鹿顧影竝蒼然策策響寒木

馬道

接嶺冬青樹清江攪黑龍摩天人數點滾水路千重攔
馬紅墻短迷花翠嶂濃不知追信客何處一停踪

觀音碕

傾崖鼓疾水碕險甚漩磧稽首呼佛慈聞名心轉惻青
橋來蜿蜒碎路厭褻積非無馬倒虞且努鼉行力凌嶒

幾扇屏扇扇逞歌仄晴天打急雨白練中去深墨巨鑿
股箕踞紆避那可卽灣洄隨掉鯨墻塹且閉塞併命突
一龕象王太慘刻瀕洞割朝昏悽惶喪食息寸石天所
持鑢削利不百出險盼須臾客顏土同色

雞頭關

梯雲無路馬行難高振天雞岌岌冠豁達星辰中土斷
蕭寥鐘鼓上方寒岷嶓秀色如樓起沔漢清流似帶蟠
却記虞初論節帥山神放霽滿林端

燒棧行

散關南褒口北走陳倉去天尺祖龍死一龍赤關中無

宅漢中宅過棧燒棧劫灰黑東還安得假羽翼假羽翼
還定秦重瞳不利雖逡巡阿房何苦成焦土此棧長行
千萬人

褒城

一笑開千里城灣復水灣水涵星漢淨城落棧雲頑問
稼人終隱看花女獨還啣杯重題壁此後願無山

定軍山謁諸葛武侯墓

天意銷炎曜宗臣闕定軍飛騰才十倍慘淡業三分龍
卧空流輩魚依及主君關張情翕習伊呂望諄殷遂戢
南人叛長驅北寇氛雜耕須爾爾投老祇云云大將星

芒黠羣讐雨涕沱棺桐纔附棹坪樹獨開墳鼓吹聲靈
闇樵蘇禁令聞陣圖懸復嶺祠屋下斜曛爲拜清高象
猶思洒落勛塵蒙金鉞彩草長石琴紋耐墓封難逮墳
衢祭尙紛鶴歸魂窈窕芭舞態熏熏沮沔光縈繞褒斜
勢泯勞一坏乾在否腸斷惠陵雲

晚次沔縣

崇柯招夕霏墟煙暖華薄松塘散春影瀟照在高郭沔
流澹容與隔浦語歸鶴晚櫪喧驛樓昏鐘殷僧閣羈悰
畏重阻慙此慰宵酌定秦緬雄圖匡漢懷前畧何限越
鄉心東臯迨耕作

蔡壩

白馬巖關外青羊廢驛邊
籃輿渡天漢奇事要人傳

金堆舖

下金堆過上金堆競說松龍捷徑開
數盡鞭絲鳥帽影何人果向左擔回

五丁峽

王涯辨仙掌近理扶堂奧至神無迹象
跼擘妄見告昌意娶蜀山人煙久通照
肝渾天地初有空不容鑿梁州錯雍州
自古禹力到西東帶二漢星精象維肖
漾源出嶓冢乘載利親導涓涓石罅穿
汨汨樹根冒滙流茲峽

間龍窟倚蹇鼻水立山轉孤戰合昆陽譟撼盪芥帶鬆
崩駁性靈拗一縱始潰奔入褒理輕懼下峽下南紀上
峽上西徼舉裳赴懸瀑顛頂壓危峭決潏元氣蒸摩豁
眞宰耗方知泮洞年早關華陽道五丁五石牛郭說適
騰笑馬老能識塗崎軀任孤造

寧羌雨宿

甕底荒城在沿緣草色萋水生銀渚上天盡劍關西草
昧紅狼寇蕭寥白馬氏客留欣遇雨屐齒染春泥

雨次黃壩

暮宿羊鹿坪朝食牢固關秦棧報垂盡食宿行開顏棧

險本在秦灘險本在楚蜀險祇脅從濟惡惡去春雨雨
天無片晴雨路無寸平濕泥墮雲頂半程遙十程止止
緒如麻行行面如土誰慰寂寥心猿聲三四五

七盤嶺

微涓溜蒼澗潛源澀於綫秦蜀區鴻溝及境舞輒旋單
椒露秀澤錐影卓霄半迴盤覓幽磴白罅引蝸篆團團
效循磨獷獷類穿窳何年事鋸削龍骨蛻千片樓臺四
無地支木作腰襜清鐘間畫角商氣撲春句衣間巴樹
縈烏下隴雲濺杜陵佳賞虛山色古未變祇苦上天難
淩風少飛翰頻首歛吟鞞蹉落命眞賤

籌筆驛

萬里中原挂驛前
宗臣籌策淚痕連
斧斨隱受元公寄
刀筆羞同故相傳
應信楊顒諫校簿
可堪卻正草降牋
風雲寥落星芒冷
咄咄書成休問天

龍洞背

靈物尊蛭淵鍊精細浮芥騰凌豁洞府而我相其背背
滑騎未勝洞深出欲潰上爲睥睨橫旁有閭闔對舉校
待細數上元陰激鉞鍛駭濤掀萬斛朝暮震砰湃似憐
沮漢慳一涌助羣派行空麗渴日匿曜避三舍蒼寒斂
巖竇春木盡吁怪徑須掣鱗尾義鞭付親囑呼龍種煙

草登策意同快

次朝天鎮

風旌到峽低高樹看驅雞鳥掠依巖舫人耕戴石泥斷
雲秦嶺外下水漢江西漸信春心老楊花煙路迷

朝天峽

滄波浩巖罅孤碧變陰黦經棧肝胆鱸談笑赴灘險枕
流山竅開萬夫受重广龍門上中下斧柄大且儼稍藉
勾闌扶并用鐵鑱擊邸閣無復存厥制昭未掩韋公抗
事通道鍛伐衆啣感嵌空成萬龕金象恣雕鑿江動象
亦動餅拂光爍閃袒肩效喜歡決背示陰慘陸行免架

木作頌匪諛我舟大於葉磬折岸如斬振柁腕一鬆
鰈堂伺耽耽水禽避荒怪側翅振餘敢焚蘊死未萌梅
蘂棄不檢含睇別烏奴蓬牕片痕染

廣元舟次雜題

龍門閣險下葭萌閨位無端牝主生一等瑤光工奪壻
祇嫌鸚鵡太聰明

攜賓載酒炫春遊腰笏躬牽刺史舟問狀一驚偕騎去
買絲翻擬繡崔侯

古渡冥冥枯柏彫未煩斷竹架長橋青羸傳幸傷心史
喜見雙魚夾畫橈

水驛空濛水堠雙巴歛要眇細分腔天雄觀上鐘聲起
又送驚魂到客艤

費敬侯墓

孫盛蜀譜益州諸費有名位者多黃鶴樓記仙象世傳是禪

益州諸費多名位惟大將軍望更深德力量紆中夏計
純良懸慰老臣心從容辦賊覘綦劫巨測降奴伺酒淫
此地堂封楚江遠鶴樓橫笛咽龍吟

天雄閣雨憩

天雄閣隱牛頭半東斗闌干日中見八牕微裂損鳥迴
多少征人泪流霰後馬頭頂前馬蹏兩蹏一攫升一梯
千梯萬梯逼霄漢喘息溢涌慳扶攜隴樹膠葛秦樹低

嘉陵江樹較近翻悽迷怪爾斷無尺株寸杪媚煙色惟
有鐵棱破碎如鱗如甲龍公塌地排青霓是時牛頭虢
怒欲啣閣黑飈吹帽壞裘薄織雲辣關冰子落只到牛
腰不到脚焉得喚起五丁力士來奮牽犁作田砦屯炊
煙留此供眺西山雪嶺東日邊我行不能住不得玉女
開笑電搜壁

劍門

石骨排城起重霄睨一門到關無二馬下樹忽干猿攻
戰興朝宋避銘題巨筆存君看劍溪水黯黯亦銷魂

姜伯約墓

一膽包東夏崎嶇戰伐名反旗嘗走敵斷饒輒收兵乘
隙天心去逃讖主信傾空留守關處宰樹暮雲橫

武連

覺苑寺有放翁詩碑
及紹興庚申修學碑

意外蕩墟煙前驅報武連一圍山對驛幾頃石分田檜
影清搖夢花香暝破禪逍遙樓不見須話紹興年

七曲山梓潼神廟

廟有怪賊金臉綠袍
象乾隆十七年始毀

文昌神乃是斗魁戴筐之六星五爲司中六司祿以標
燎祀傳禮經今之廟貌遍區宇梓潼山頂云最靈其山
七曲水九曲曲水遶練山開屏丹闔半啟抽簪篁綠袍
烏幘形肖亦神肖朱衣老吏執簡趨鈴竈盤陀片石神

所稟乘氣彷彿翔天庭如龍白馬八尺九尺問何用立
仗驕秣歌駟駟或云呂光或孟昶不若孝友張仲留儀
型不獨手授氏王鐵如意鑄鼎作賦喚起舉子瑁璫心
魂醒一賊金臉飄紫綬隅目隅坐如有聽吹簫貫箭骨
成粉妖狐依社百年後始湔餘腥當時冒竊初祖異神
祐神佑舊邦雞犬肯使屠伯惡滿逋天刑能捍大難典
宜祀况說歲貢雷杼千載而上飛驚霆是神是星語象
涉惝恍雲旗畫卷青天青七曲倘應帝車次齋戒穆卜
持筭筵

送險亭

五婦山橫點翠屏水觀音響玉璫
玳人間陸險踰川險送險亭如至喜亭

梓潼望李業石闕

郎當聲遶縣樓偏好片川原
喜欲顛却怪長卿臺下過
居人忘說巨游賢

舊綿州

淡煙喬木鬱婆娑瓦鼓歌連豆子歌
杜老津頭行鱉鯉越王樓上罨藤蘿
源浮雒水歸差便治徙羅江蹟尙多
記取西川風候暖閏年二月種秋禾

龐靖侯墓

墓在白馬關落鳳坡其西有臺俗謂之將臺

仗策歸龍種分支傍鹿門謚沿侯爵貴望擁將臺尊斷
手披留牘同心載後軒數言徐定計一薦便酬恩算盡
時偏左剗深景故昏鳳毛摧傲筴驥骨憤虛轅遂畫三
分國同悲五丈原風雲埋檜柏涕泪侑蘭蓀宏長曾褒
史循良亦裕昆亭亭山護影湛湛路招魂白馬刑難待
朱鵠拜弗諉荒坡驅短轡鄭重薜碑捫三國名臣贊土
元宏長四川通
志涪州有統子涪陵太守肱石關杜
詩鹿頭何亭亭鹿頭關今名白馬

漢州

霧樹接風苗鵝黃酒旆招人煙金雁驛祠火石犀橋野
色濃於水春陰永似朝西湖裙屐地懷古劇超遙

彌牟鎮觀八陣圖

春田騷騷沈礮車負欄健兒鼓隴胡彌牟渡邊解鞍坐

八陣突見

胡電切

當頭圖土城四門就礮滅六十四魁猶

撐扶魁方一丈高三尺漢尺較短今宜殊兩陣對若夾
城仗百二十八魁森如風雲天地聽號令何物敢抗神
姦誅盡轅日高擂鼓袍丞相巾扇黑輜輿翠蓋金鈇備
儀從虎賁六十翹蹠跣曲屯精銳盡擐甲披執或逮羌
蠻渠千戈萬槊指麾定截若界畫開爰閭神光離合倏
千變鉤陳元武遙天樞焱騰霧塞雨霽颺倏退山立聞
山呼天生王佐秘神授握奇經可參陰符丞相感激報

三顧智在誠至非形募銅釜自熟木牛走祇此易理中
潛孚卽如此陣勒竇憲燕然銘績朝單于人之無良事
偶中四維四正拋土苴孟獲不服仲達嘆營壘安足論
毀譽沔南墓域昨親拜有圖朱覩心煩紆夔州跼躓竝
搗護恨不剪魏遺吞吳明神如水志如日敢乞靈佑殲
蠻奴武擔壇土或留寸馬頭積照懸成都

初抵成都其末簡王秋汀覲廷兩大尹

琴囊書簾卸裝廉日近重三勝地兼占象魏持星使節
卜居思傍市人簾海棠樓暖春舒蕾石笋街寒土沒尖
要檢角巾行錦里髭霜緩向領邊添

黑水堯封域，奠梁蜀山支。
庶紀高陽城，安龜背空磨。
豁國化鵠魂，太渺茫幾代。
金輿辭後主，一庭碧瓦繫何王。
毘嵐曠劫連兵火，畢竟詩翁剩草堂。

叅旗井絡影，漠濛霽景難。
流吠犬同豈，有山川歸李特。
更無父老怨，唐蒙碧雞祀。
罷危坊損金，雁書來古驛。
通不獨東吳，懸萬里觚棱。
回首五雲中。

三四
集句

錦波濯濯絢機絲，低堰深灘稍亦宜。
偶爲金川飛羽檄，肯教玉室廢弦詩。
笥衣屢趁天公換，蓐食多叨地主遺。
好語軒車兩王吉，看排江硯仿韓碑。